

UWEM EDISANA-IDO

1 Peter 1:1-25; 2:1-25

ỌYỌHỌ UKPEP-ŃKPỌ 452

Eke Ikọ Owo

IKỌ IBUOT: “Kpa nte andikot mbufo edide Edisana, mbufo nde ekabare esana ke ofuri edu uwem mbufo; koro ewet ntem ete, Mbufo edisana, koro Ami ndide edisana” (1 Peter 1:15, 16).

I Mme Etop Ndọñesit Peter

- 1 Nnyin imenyene odu-uwem idorenyin oto ke eriset emi Jesus Christ eketede ke mkpa, 1 Peter 1:1-3; 1 Nwede Corinth 15:20
- 2 Enim udeme eke nkpo misabakade ke Heaven eno nnyin, 1 Peter 1:4, 5; Nwede Mbon Colossae 1:5; 2 Timothy 4:8
- 3 Mbuotidem nnyin, okposuk ema ekedomo, oson urua akan eme (gold), 1 Peter 1:6-9; Job 23:10; Psalm 66:10; James 1:3
- 4 Mme anditiñ ntiñ-nnim ikọ ye mme angel ema enyene ntọtunọ udon ebaña erinyaña emi, 1 Peter 1:10-14; Exodus 25:18-20; Nwede Mbon Ephesus 3:9, 10
- 5 Abasi edi edisana. Nnyin nte nditọ Esie inyene ndibiet Enye, 1 Peter 1:15-17; Leviticus 11:44; Luke 1:74, 75; Mme Hebrew 12:14
- 6 Ikadaha mbiara nkpo ifak nnyin, 1 Peter 1:18-21; Utom Mme Apostle 20:28; Nwede Mbon Ephesus 1:7; Mme Hebrew 9:12-14; Eriyarare 5:9

II Item Emi Peter Onode

- 1 Esọnọ ema kiet eken ke ofuri esit, 1 Peter 1:22-25; Nwede Mbon Rome 12:9, 10; 1 Nwede Timothy 1:5; 1 John 3:18
- 2 Edianare ekpon idiok udon obukidem enyuni eyom ata mmon-eba Spirit, 1 Peter 2:1-3, 11, 12; Matthew 18: 3; 1 Nwede Corinth 3:2; Nwede Mbon Ephesus 4:22-25; Nwede Mbon Colossae 3:8; Mme Hebrew 12:1; James 1:21
- 3 Christ, “Odu uwem itiat” edi nkpo-uto onọ mme andinim ke akpanikọ, edi “itiat iduo” onọ mbon nsoti-ibuot, 1 Peter 2:4-12; Nwede Mbon Ephesus 2:19-22
- 4 Ikot Christ enyene ndisuk idem nno mme adaha ukara eke enimde nte uduak Abasi edide, 1 Peter 2:13-17; Matthew 22:21; Nwede Mbon Rome 13:1
- 5 Nditọ-ufok enyene ndisuk idem nno mme ete-ufok mmọ, 1 Peter 2:18-23; Nwede Mbon Ephesus 6:5-8; Nwede Mbon Colossae 3:22-25; 1 Nwede Timothy 6:1; Titus 2:9, 10
- 6 Mmọ ema ediyo nte eron edi ke emi ema efiak etiene andikpeme mmọ, 1 Peter 2:24, 25; Isaiah 53:6; Ezekiel 34:6; John 10:11-16

SE EKPEPDE EBAÑA

Etie nte ekewet Nwede emi ke ndo-ndo oro ema ekewot Paul ke ntak ikọ Abasi. Mme ufok-Abasi emi Paul akasiakde ekesaña ebe ke “ikañ-ikañ idomo.” Ke nkpo nte isua 35 ke Pentecost ama ekebe, ufok-Abasi okodu ke okposon ndutuhọ ye ukobọ. Nero, Andikara Rome, ndusuk man ofuk ndudue esie, ama obiom mme anditiene-Christ ikpe ete ke mmọ esin ikañ ke Rome.

Peter ekewet Nwede emi ndisọnọ nnyun ndemere mbuotidem ndisana ikot Abasi. Etie nte enye ama asaña ese mme ufok-Abasi oro ekesiakde ke eritonọ Nwede esie, ama onyun odionọ ediwak ndisana ikot Abasi kiet-kiet; ndien nnyin imekeme ndikut nte mmọ ekenemde esit ke ini mmọ ekebode nwede eto Peter. Enye okonọ Nwede emi ke ubok Silas, kiet ke otu mmọ emi ekeñwamde Paul ke utom Ikọ Abasi. Ekeme ndidi Silas ama esisaña ese mme ufok-Abasi oro man ada etop mkpa Paul osok mmọ.

Nte Eti-mbuk Okponde

Peter okoyom ndisana ikot Abasi etim emum utibe erinyaña emi ekama. Enye etin owut nte mme anditiñ ntiñ-nnim ikọ ekeduonorede ekenyun enyenede udon ndikut mme nkpo emi ke ini mmọ eketiñde ntiñ-

nnim ikọ ebaña ndutuhọ Christ ye uboñ eke editienede ke edem. “Ema enyuñ eyarare ewut mmọ ete, idighe ke abaña idem mmọ, edi kabaña mbufo, ke mmọ emen ikọ oro etiñ, kpa ikọ oro ema etaña ke emi enọ mbufo, eke inua mmọ emi ekwọrọde gospel enọ mbufo ke Edisana Spirit, emi ekedọñde oto ke heaven edi. Odoñ mme angel ndinyuño ñkpọ emi mfiok” (1 Peter 1:12). Mi ekeme ndidi ke etiñ ebaña mme Cherubim emi ekedade ke mben Ekebe Ediom. Mmọ ekenonuhọ nte ñkpọ eke mmọ eyomde ndise se ikesinede ke esit Ekebe.

Edieke eridi Christ ye akwa utom erifak Esie otimde ebehe mme angel Abasi, ñwañwa ediso ndien ye nnyin emi Christ ekedide abaña, okut ndutuhọ, onyuñ akpa man akpafak nnyin.

“Mmọdo efak ofoñ esit mbufo,” esin ifik enyuñ eka iso edorenyin ke kpukpru se Abasi okoñwoñode ke eriyarade Jesus Christ.

Edisana Ido

Edisana-ido edi ata edu-uwem Abasi. Edieke Abasi edide Ete nnyin, ndien nnyin nditọ Esie, ana nte inyene mbiet Ete nnyin. Kpukpru edinam ke uwem anditiene-Christ ana edi edisana. Isañ nnyin, nneme nnyin, nte idude uwem ke usen ke usen enyene ndidi edisana. Ke akpatre mme ufañ ifañ ke akpa Peter ibuot kiet, edimana obufa, uduak erifak ye edisana-ido edi se emende ewut ediye ediye.

Erifak

Sidibe (silver) ye eme (gold) edi nsọñ-urua itiat iba emi ekamade enyam urua, edi sidibe (silver) ye eme (gold) ikemeke ndidep erifak nnyin. Akada ñkpọ emi enyenede ekom-urua akan sidibe (silver) ye eme (gold).

Ke idak Ibet, edieke owo ke ndiokiso me nte ekpededi mikemeke ndikpe ison esie, ekenyene ndinyam enye ye se enye enyenede eda ekpe ison oro. Edi Ibet ama asiak usuñ erifak emi ekekemede nditọñ nta ndep enye. Oruk esie ekeme ndikpe ison oro enyuñ enam enye oboho.

Jesus akada mbiet obukidem owo onyuñ akabare edi Akpan Ete nnyin, man Enye enyene unen ndifak nnyin nno Abasi. Mme akpa ete nnyin ema enyam nnyin enọ Satan. Jesus, ye nsọñ-urua iyip Esie, afiak edep nnyin. Se utọ ekom-urua emi enye ekepede man afiak ada nnyin onọ Abasi! Oro owut nte Abasi abatde ukpon owo ke nsọñ-urua.

Ediwak owo eda ukpon mmọ nte ñkpọ eke minyeneke ekom-urua. Mmọ efuñ enye enyuñ ayak oduyo nte nyoyok inyañ ofuri ini, ikereke otọ eke mmọ eyode eka, tutu esim akwa ebefen eke idorenyin miduhe. Satan ama okim mmọ enyin onyuñ aka iso anam mmọ edi nnan. Ikọ Abasi ada unwana edi. Oro edi nta emi nnyin inamde utom man Ikọ Abasi osim ererimbot emi atakde.

Udu

Mme idiok-ñkpọ emi esiakde mi isañake ikekem ye ima nditọ ete emi Peter ekewetde abaña. Ebemiso esiak udu, ndien mme idiok eken kiet-kiet emi edianade enyuñ etibe eworo do usop-usop. Oto ke udu ñkari otibe, oto ñkari mbubik otibe, oto mbubik ufup otibe, oto ufup idiok ibaña otibe. Kpukpru emi iduhe aba ke esit ke ini ima nditọ ete akarade.

Edisana Ikọ

Nsek nditọ ekori ke ini ebokde mmọ ke mmọñ-eba eka. Mmọ emi ekabarede esit obufa ekori ke ini ebokde mmọ ke ata mmọñ-eba eke Spirit. Enye obop mbuotidem, ndien mbuotidem anam esit osono ada ke okposon itiat ukot ufok.

Ekeme ndidi ke akananam iduhe ini ke mbuk ufok-Abasi emi esuhorede nti ukpep-ñkpọ ke Ikọ Abasi nte ke eyo emi. Ukpep-ñkpọ abiaña, edisik-idaha, edidu uwem nte emade, unana edisuk ibuot nno Ikọ Abasi, idiok-iton okuk ye odudu, ke ada ererimbot emi oduk ke ññwaña usuñ emi osunode ke nsobo.

Jesus Christ edi Itiat-ukot-ufok emi ufok-Abasi odorode ke Enye. Enye ke ekot “odu-uwem Itiat,” onyuñ edi usuñ uwem onọ kpukpru mme andinim ke akpaniko.

Edisuk Ibuot Nno Ibet

“Esuk idem enọ kpukpru idaha eke enimde ke otu owo kabaña Oboñ” (1 Peter 2:13). Paul ete ke odudu eke odude edi Abasi okonim. Edi utom anditiene-Christ ndinim mbet obio edieke mmọ mikomoke ye mbet Abasi. Nnyin inyene ndidu ke emem, inyuñ inim mbet obio. Enim mbet man eda enọ mme anam-idiok ufen.

Edisuk Idem Nno Odudu

“Nditọ-ufọk, esuk idem enọ mme ete ufọk mbufo” (1 Peter 2:18). Ke usen edem, unyam-ifin ama okpon eti-eti; edi okposuk edi nte nnyin minyeneke unyam-ifin mfin ke idut nnyin, nnyin imenyene ndutime ke ufọt mme enyene-utom ye mmọ emi edade ke utom. Item emi enyene mmọ.

Nnyin inyene ndisaña ke nde-ikpat Jesus emi, ke ini ekesuñide Enye, ikesuñike ke usiene. Ito ro iduhe inọ owo emi ọbọde ufen ke ndudue esie, edi edieke enye anamde se ifọnde ndien enye ọbọ ufen, oro odot ekọm.

Mme Erọn Emi Eyode

“Mbufo ekesaña eyo nte erọn, edi ke emi emafiak etiene Andibọk ye Andikpeme ukpọn mbufo” (1 Peter 2:25). Mme idiọk owo etie nte nduyo erọn ke akai-ikọt idiọk-ńkpọ tutu Christ, Ekpeme-erọn emi enyenede mbọm okot mmọ ke nduyo mmọ ke ndinọ Ikọ Abasi esọk mmọ. Enye ada mmọ aka ke eti mbiet onyũn anyaña mmọ ke ini afanikọn.

Peter

Nnyin ikere ibaña Peter ke ini uyen esie nte akamba, okop-odudu, ọsọp ubọk utom ọkọ-iyak emi okodude uwem ntre-ntre. Nnyin ifiak ikut enye ke Pentecost ama ekebe nte ọkpọsọn owo, owo-uko, enyene-iwuk owo-ekọn Jesus Christ, ebierede ndiñwana ye asua nnyũn nsua nnọ mmọ emi ekekoñde Ọbọn Ubọn.

Ke ini usọn esie, nnyin ikut enye ibe ke mme Ẹwede esie nte andikpeme, ete ima, ye suñ-suñ ke ima Jesus ọnọ mme ukpọn emi esomode tutu mme Ẹwede esie edineñere owut usuñ Heaven nte enye ọsọnọde ndisana ikọt Abasi idem ete mmọ ekuyik ikañ-ikañ idomo eke odude ke otu mmọ, man edomo mmọ efiọk, nte edide isen ńkpọ ọwọrọ mmọ. Mme ńkpọ emi ekedi itiat-udighiukot ke mbuqtidem mmọ; emi edidade ubọn ọsọk mmọ ke edibiọnọre Jesus Christ.

Ikọ nsọnọ-idem ye item esie, edieke enamde, eyenọ ndisana ikọt Abasi kiet-kiet “ọyọhọ erikan” oto ke Jesus Christ emi akamade mmọ.

MME MBUME

- 1 Afo ekere ete nso ekenyik Peter ndiwet Ẹwede emi?
- 2 Tiñ mme ndusuk edu-uwem Peter.
- 3 Nam añaña nte nnyin ikpekemedede ndidu edisana uwem.
- 4 Ekebọp Ikọ Abasi edori ke ewe itiat-ukot-ufọk?
- 5 Nso ikedi ntak emi ekekotde Jesus “odu-uwem itiat”?
- 6 Nso ekedi ekọm-urua erifak nnyin?
- 7 Didie ke mmọ ekenyene ndikere mbaña idomo mmọ?
- 8 Ke idak ibet, ekpenam didie esana owo emi ekenyamde ke ntak isọn esie eyak?